

SYARAT-SYARAT TAMBAHAN:

1. KLAUSA CUKAI:

- 1.1 Pembekal hendaklah menawarkan harga bagi Sebut Harga tanpa mengambil kira bayaran cukai di bawah Akta Cukai Jualan dan Perkhidmatan 2018 (Akta CJCP 2018) (selepas ini dirujuk sebagai Harga Sebut Harga Tanpa CJCP). Meskipun demikian, pembekal masih bertanggungjawab untuk mengambil kira dalam Harga Sebut Harga Tanpa CJCP tersebut bagi bayaran kos yang berkaitan dengan pematuhan kepada mana-mana peruntukan undang-undang, peraturan-peraturan, undang-undang kecil atau mana-mana perintah atau arahan yang dikeluarkan oleh mana-mana Pihak Berkuasa Tempatan atau Syarikat Perkhidmatan Awam berkaitan dengan perolehan ini.
- 1.2 Pembekal hendaklah mengisytiharkan status pendaftaran CJCP dengan mengemaskini maklumat CBP dalam Modul Pengurusan Pembekal selewat-lewatnya pada tarikh tutup Sebut Harga.
- 1.3 Sekiranya pembekal yang berjaya didapati berdaftar di bawah Akta CJCP 2018, maka Kerajaan akan mengeluarkan Surat Setuju Terima (SST) dengan menawarkan Harga Sebut Harga Tanpa CJCP yang dicampurkan dengan kos kenaan cukai CJCP. Sebaliknya sekiranya pembekal yang berjaya tidak berdaftar di bawah Akta CJCP 2018, maka hanya Harga Sebut Harga Tanpa CJCP sahaja akan disetujui terima melalui SST.
- 1.4 Bagi pembekal yang mengisytiharkan tidak berdaftar di bawah Akta CJCP 2018, namun akan menjadi syarikat yang berdaftar di bawah Akta CJCP 2018 setelah Harga Sebut Harga Tanpa CJCP tersebut disetujui terima oleh Kerajaan, maka pembekal yang berjaya tersebut hendaklah memohon kepada Kerajaan bagi pelarasan harga berkaitan dengan kenaan CJCP semasa untuk baki Harga Kontrak yang dikenakan CBP dengan mengemukakan satu salinan surat kelulusan pendaftaran CJCP daripada Jabatan Kastam DiRaja Malaysia berserta dengan nombor pendaftarannya.

2. KLAUSA DENDA:

- 2.1 Jika syarikat lewat menyerahkan bekalan/ perkhidmatan dalam tempoh masa yang ditetapkan, Kerajaan boleh menerima bekalan/ perkhidmatan tersebut dan mengenakan bayaran berdenda kepada syarikat mengikut formula berikut :

$$\mathbf{2\% \times (Jumlah\ Hari\ Lewat \div 30\ Hari) \times Nilai\ Tawaran\ (RM)}$$

- 2.2 Setelah penerimaan bekalan/ perkhidmatan sempurna dan didapati bekalan/ perkhidmatan rendah kualiti daripada spesifikasi, Kerajaan boleh meminta syarikat menggantikan/ menyiapkan bekalan/ perkhidmatan tersebut dalam tempoh yang ditetapkan oleh Kerajaan. Kerajaan akan mengenakan denda sebanyak 1% daripada harga bekalan/ perkhidmatan itu pada setiap 7 hari bekerja kelewatan tetapi tidak melebihi 5% daripada harga bekalan/ perkhidmatan tersebut.
- 2.3 Kerajaan berhak untuk melantik mana-mana pihak ketiga bagi melaksanakan dan menyempurnakan apa-apa tugas atau tanggungjawab yang gagal disempurnakan oleh pembekal dalam tempoh yang ditetapkan dengan apa-apa kos yang terlibat ditanggung sepenuhnya oleh pembekal.
- 2.4 Sekiranya Kerajaan mendapati pembekal masih gagal meremedikan atau menyempurnakan pelaksanaan tugas dan tanggungjawab di bawah kontrak ini selepas tempoh yang ditetapkan, Kerajaan adalah berhak untuk menamatkan kontrak ini menerusi satu Notis Penamatan kepada pembekal.

3. KLAUSA TEMPOH KONTRAK:

Sebagaimana yang dinyatakan jelas dalam spesifikasi teknikal.

4. KLAUSA SLIM - Program Professional Training And Education For Growing Entrepreneurs (Protégé)

- 4.1 Syarikat tuan adalah **DIGALAKKAN** melaksanakan program Program Professional Training And Education For Growing Entrepreneurs (Protégé) seperti yang ditetapkan oleh Kerajaan.
- 4.2 Bagi tujuan program Protégé ini, syarikat tuan adalah dikehendaki untuk:
- (a) syarikat hendaklah memperuntukkan sekurang-kurangnya 1% daripada nilai kontrak bagi melaksanakan program PROTÉGÉ. Nilai 1% ini akan menentukan bilangan peserta PROTÉGÉ yang perlu diterima;
 - (b) kontrak tambahan (supplementary agreement) akan disediakan dan perlu ditandatangani oleh syarikat tuan;
 - (c) syarikat yang melaksanakan program PROTÉGÉ adalah layak menuntut pelepasan cukai berganda (double tax deduction) setelah menyempurnakan program PROTÉGÉ sekurang-kurangnya 8 bulan tertakluk pengesahan Sekretariat PROTÉGÉ. Sekretariat PROTÉGÉ akan mengeluarkan sijil atau surat pengesahan kepada syarikat yang telah melaksanakan sepenuhnya program PROTÉGÉ;

- (d) syarikat perlu mengemas kini penglibatan dalam program PROTÉGÉ di profail pengalaman dalam sistem ePerolehan di Kementerian Kewangan atau Lembaga Pembangunan Industri Pembinaan Malaysia (CIDB) yang mana berkaitan;
- (e) pelaksanaan program PROTÉGÉ hendaklah dilaksanakan dalam tempoh kontrak dan boleh dilaksanakan secara berperingkat sehingga memenuhi jumlah minimum peserta PROTÉGÉ yang ditetapkan dalam tempoh kontrak;
- (f) syarikat perlu mengemukakan laporan pelaksanaan program PROTÉGÉ kepada Sekretariat PROTÉGÉ dan Sekretariat PROTÉGÉ adalah bertanggungjawab untuk mengawal selia, melapor dan memantau pelaksanaan program PROTÉGÉ termasuk memaparkan nama syarikat yang gagal melaksanakan program PROTÉGÉ di laman sesawang Sekretariat PROTÉGÉ;
- (g) kegagalan syarikat untuk melaksanakan program PROTÉGÉ boleh menyebabkan syarikat tidak akan dipertimbangkan untuk kontrak baharu atau kontrak semasa tidak akan dilanjutkan; dan
- (h) syarikat boleh merujuk kepada Sekretariat PROTÉGÉ untuk melaksanakan program PROTÉGÉ seperti berikut:

Ketua Sekretariat
Professional Training and Education For Growing Entrepreneurs
(PROTÉGÉ)
Kementerian Pembangunan Usahawan
Aras 2, Blok E4/5,
Kompleks Kerajaan Parcel E
62668 Putrajaya

5. KEHADIRAN LAWATAN TAPAK

- 5.1 Kehadiran Lawatan Tapak **TIDAK BOLEH DIWAKILI** selain daripada Penama yang dibenarkan di dalam Sijil Pendaftaran Kementerian Kewangan.
- 5.2 Untuk maksud ini, kontraktor hendaklah membawa SIJIL PENDAFTARAN KEMENTERIAN KEWANGAN, SIJIL PENDAFTARAN BUMIPUTERA (sekiranya berkaitan) dan Kad Pengenalan untuk tujuan pengesahan (termasuk pengesahan alamat email) pada hari lawatan tapak seperti yang telah ditetapkan.

6. LARANGAN MENCATATKAN NAMA/ MAKLUMAT SYARIKAT/ HARGA DALAM DOKUMEN TEKNIKAL YANG DIMUAT NAIK

- 6.1 Petender **dilarang sama sekali MENCATATKAN NAMA PETENDER, MAKLUMAT SYARIKAT ATAU MAKLUMAT HARGA** di dalam dokumen teknikal/ senarai semak teknikal yang dimuat naik ke dalam sistem ePerolehan.
- 6.2 Tawaran akan ditolak sekiranya Petender gagal mematuhi perkara ini.

7. BON PELAKSANAAN

Bon Pelaksanaan perlu disediakan dalam bentuk jaminan bank/jaminan syarikat kewangan/syarikat insurans yang ditubuhkan di Malaysia nilai sebanyak dua setengah peratus (2.5%) dari jumlah harga tawaran bagi tawaran bernilai RM200,000 sehingga RM500,000 atau lima peratus (5%) bagi tawaran bernilai melebihi RM500,000.00. Cagaran Bon Pelaksanaan tersebut hendaklah sah laku sehingga dua belas (12) bulan selepas tarikh tamat kontrak atau selepas obligasi terakhir, mengikut mana yang terkemudian.